



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. II. An causa Blasphemiæ sit mixti fori?

[urn:nbn:de:hbz:466:1-73001](#)

Ex dict. Coll. 3. si lite coram seculari 404. Judice mota, de alimentis præstandis Uxori separatae à Marito, Maritus opponat adulterij Crimen, ob quod mulier jure alimentorum privata sit, Judicem seculari rem lite supersedere debere, donec quæstio incidens à Judice Ecclesiastico terminetur; hujus ratio est; quia hoc ipso, quod intentata coram seculari Judice causâ, super alimento incident quæstio divorzii, seu separationis quoad cohabitationem, illa terminari nequit, antequam cognoscatur super justitia causæ divertendi, seu discedendi à cohabitatione; hoc enim sonat incidentia causæ, cum respiciat ipsum meritum causæ, & habeat ortum ante litem contestatam, ut bene notat Pereyra in Elucidario num. 1867. sed haec quæstio cognosci non potest à Judice seculari, & terminari potest à solo Ecclesiastico ex num. 402. ergo.

Quæstio 4. est, an finito iudicio criminali de adulterio ad poenam legalem, innocens possit instituere actionem quasi civilem ad divorzium, vel econtra finito iudicio divorzij eandem actionem intentare criminaliter? ante resolutionem nota, quod, licet utraque actio (nimitem sive criminaliter, sive civiliter intentata Reo) tendat ad punitionem (licet criminalis ad poenam, seu vindictam publicam; civilis, ad privatam, nimitem dotis amissionem, & separationem ab obligatione coabitandi) quandóque tamen actio civilis directè intentari possit Reo, non, ut inde innocens capiat lucrum, sed solùm, ut evitet damnum; his præmissis:

Ad quæstionem propositam Resp. post iudicium criminale ad punitionem legalem, seu vindictam publicam, non concedi actionem civilem directè ad poenam privatam; nec vicissim, finito iudicio directè ad punitionem privatam, concedi actionem criminalem ad poenam legalem; ita Sotus l. 4. sent. D. 37. q. unic. a. 3. Abbas in c. Tiae, 5. de Procurat. n. 5. & complures alii; probatur ex L. quod Senatusconsultum, 6. ff. de injuriis, ibi: planè sè actum sit publico iudicio, dengandum est privatum; similiter ex diverso.

Dixi, per actionem quasi civilem directè ad poenam privatam, impediri a-

ctionem criminalem ad poenam legalem, seu vindictam publicam, & econtra: nam securus est, si maritus post, vel cum actione criminali de adulterio contra Uxorem directè agat de solo interesse, seu jactura rei familiaris compensanda. Nam talis actio civilis non præjudicat criminali; nec ista illi, ut tradit Julius Clarus in practic. criminal. q. 2. num. 2. Molina tr. 3. de Juf. D. 40. n. 19. & probari potest ex L. unica, C. quando civilis actio criminali præjudicet, ibi: à plerisque prudentium generaliter definitum est, quoties de familia, & civilis, & criminalis competit actio, utraque licere experiri; sive prius criminalis, sive civilis actio moveatur: nec si civiliter fuerit actum, criminalem posse consumi: & similiter econtrario.

§. II.

An causa Blasphemie sit mixta fori?

A Nte resolutionem notā, Blasphemiam, de qua latè Suarez tom. 1. de Relig. l. 1. a. 4. esse vocem Græcam, quæ apud Latinos idem valeat atque vituperatio, execratio, maledictio: apud Theologos autem, & S. Paginæ interpretes sumi dupliciter. 1. latè pro omni convitio, & maledictio in aliquem, præcipue dignitate, & excellentia pollentem virum; Sic intelligit S. Hieronymus Apostolum ad Titum. 3. admodum illos, neminem Blasphemare, id est maledicere, convitiari; 2. strictè, & propriè pro contumelia in Deum, vel Sanctos in Cœlo cum Christo regenerantes, quatenus habent respectum ad Deum, quæ proinde tota in Deum refunditur.

Sanchez l. 2. Decalogi c. 32. n. 11. definit Blasphemiam, quod sit locutio falsa contra Deum per modum convitij. Dicitur falsa: quia licet quandóque exercetur per modos imperativos, & optativos, in quibus nec enuntiatio, nec proinde falsitas esse potest; tamen semper ex modo irritorio, vel contemnenti denotat aliquid in Deo contemptibile, quod falso est: explicatiū dici potest, esse peccatum, quo aliquid de Divina bonitatis excellētia detrahitur, dicendo falso aliquid Deo inesse, quod non inest: vel negando inesse;

P. 3

408.

409.

quod ineſt: idque voluntate quadam derogandi hac ratione Divina bonitati, vel Majestati.

410. Observandum autem ad hanc voluntatem non requiri omnino intentionem directam derogandi, qualem habent damnati, sed sufficere indirectam, quando scilicet ex circumstantijs, & modo prudenter judicatur, locutionem habere Divinæ gloriæ contemptum, & diminutionem. *Blasphemia* latius patet peccata contra fiduci confessionem, & distinguitur ab infidelitate: hæc enim in mente residet, & est falsus mentis contra fidem assensus: illa consistit in verbo contra Deum, & potest stare cum vero assensu.

411. Observandum. 2. quasdam Blasphemias, juxta Sanchez cit. n. 36. esse *hæreticales*, nempe quæ continent errorem contra fidem, explicatae per verbum indicativi: v. g. hæc: *Deus est injustus*; quasdam non ita; quales y. g. Dei maledictiones: essent tamen hæreticales, si Blasphemans assereret, *Deum esse illarum capacem*. Observandum. 3. Blasphemiam in sua pura ratione tripliciter dividi juxta Lessium l. 2. c. 45. n. 27. Primo enim dividitur ex parte actus in *interiorem*, & *exteriorem*: interior est Blasphemia *Cordis*: exterior est Blasphemia *oris*: addunt aliqui Blasphemiam *operis*, quando scilicet per aliquid opus v. g. Idolatriam, falsum de Deo significatur. 2. ex parte modi, in *enuntiativam*, *imprecativam*, & *dehonestativam*. Enuntiativa fit affirmando, vel negando: ut si tribuatur divinæ excellentiæ, quod ei non competit; vel, si negetur, quod competit, aut hoc tribuatur Creaturæ. Imprecativa est, cum quis imprecatur Deo malum; & est propria damatorum, & hominum pessimorum. Dehonestativa est, cum quis membra Christi, vel Sanctorum indecorè, & inhonestè nuncupat; 3. ex parte termini in *immediatam*, & *mediatam*: immediata est, quæ fertur immediatè in Deum, & est proximè contra virtutem religionis: mediata est immediatè contra Sanctos, violatōque proximè virtutem observantiarum: mediata est contra Deum, & remotè lædit virtutem religionis; quibus positis:

412. Resp. Blasphemiam hæreticalem (quando scilicet verba Blasphemia continent a-

pettè hæresim) unicè spectare ad Judicem Ecclesiasticum; nam judicium de actione continente veram hæresim, cùm præsumatur animo hæretico proferri) nisi excusat vehemens iræ motus, quo judicium rationis vehementer perturbatur) unicè spectat ad Judicem Ecclesiasticum, cùm tangatur materia fidei; & ideo talis Blasphemia non est mixti fori quoad quæstionem, an ejusmodi Blasphemia sit hæreticælis? secus est de Blasphemia non hæreticali; nam hæc utroquè foro prohibita est; Ecclesiastico quidem, l. 5. tit. 26. civili autem, Novellâ. 77. ut non luxurientur homines contra naturam, nec jurent per capillos Dei, &c.

Si queras, an Blasphemia commissa à non Christiano, sit delictum fori mixti? Resp. per se loquendo, non esse; quia, cùm non Christiani sint extra Ecclesiam, nec subdantur ejus legibus, ut diximus l. 1. tit. 2. non possunt per se loquendo reduci ad forum Ecclesiasticum; sed tantum ad forum seculare, cuius temporali jurisdictioni subsunt; dixi: *per se loquendo*; nam, si Princeps, vel Prælatus Ecclesiasticus ibi habebat dominium, ut Dominus terrestris, eique tales non Christiani subsint, idem poterit, quod aliis secularis, vel per se, vel Delegatum; 2. si Domini seculares forent negligentes in puniendis ejusmodi delictis; sic enim per accidens, *Judex Ecclesiasticus*, etiam quæ talis, posset de tali Blasphemia cognoscere, ac illam punire; cùm tali casu versetur periculum animæ, tum in Principe negligente; tum in Christianis, qui exinde graviter scandalizentur.

§. III.

An Incestus sit mixti fori?

DE Incestu ex professo agimus l. 4: tit. 13. à num. 1137. præterim quoad quæstionem, an, & qualiter incestuosis præstet impedimentum matrimonij contrahendi; aut, eo stante, contracti; ex hoc autem deducitur, hoc crimen esse fori Ecclesiastici; quamvis etiam puniatur jure civili (ex quo tandem fit, esse mixti fori) ut constat ex Authent. *Incestas*, de de incestis nuptijs, ibi: *incestas nuptias contrahentis pena, est confiscatio bonorum tam*